"A fishy Tale";

Of anglers deeds, the tales are many, Of fishes views, there's scarcely any, Sae in this wee tale I've set oot Tae chronicle the lives o' troot.

In a quiet stream, quite near Kentucky, There swam a troot wha'd been gey lucky Escapin' minnin, grub, an' worm, Offered by anglers each in turn.

This troot because it had been "gifted", Successully had all lures resisted An' noo, grown tae "prodeegious size" Resolved tae pit the wee yins wise.

Set up a school for a' sma' fry Tae mak them cunning, wary, sly, Suspicious o' a' food they see An' so nae "early daith" tae dee.

Its classes were gey weel attended, The troot their former rash weys mended, Noo "eddicated " troot ha'e learned Wi' their future tae be concerned. Sae every flee is weel inspected Tae see if gut can be detected Un - natural, one must suppose, A flee wi'gut growin' oot its nose.

\_\_\_\_\_

A worm, on twa three hooks impaled As past their nose its aften trailed Their teacher has them learned, ye see Tae quietly turn the 'ither ee.

An when a spate is "rinnin aff" It gi'es them mony a he'rty laff Tae see the lures that spin thro streams "They fishers think we're daft, it seems".

Next day, when they attend their classes "They tell their teacher" men are asses Nae minnin' ere could soom sae quick, "They'll hae tae try some ither trick".

A "thing" cam' Birlin' thro the stream The deid spit o' a submarine, They shairly think oor heids are boss, ! A minnin, daen its Stirlin' Moss. An' noo anither class has formed, Tae tell hoo fishers are adorned, Wi' jaikets coloured broon an' green, "they're no sae sair in fishes een".

There's some come twa three times a week, An whup us till we're "gey near seek " Especially yin, (frae, Aivertoon), Splashin' an'rummelin' up an'doon.

His chance o' foolin' us is slim, We're near on noddin' terms wi him, Anither squad, ( frae East Kilbride ),

They gan us soom awa an'hide.

On Sundays they come by the dizzin, An' torment us till we're fairly "fizzin", An orra loon frae aboot Newmains, He gans us hide below the stanes.

Frae Ayrshire tae an' even frae Stirlin', They "furriners" set oor minds a'birlin, Whit wey can they no fish at hame An' leave puir Avon troot alane. Still ! Octobers near at haun, We'll, maybe jist get peace tae spaun, "Guid Sakes", oor reason must be failin', The devils will be efter grayling,

\_\_\_\_\_

Aye! Avon troot ken a' they lads An pit up wi' theer jinks an' fads Secure in their "superior knowledge" Acquired, attendin' "fishes College".

-----

(Wm S McCoubrey)